

Колхоз СЮРЕС

СЕНТЯБРЬ

27

1938 ар

№ 80(1055)

ВКП(б) Кез Райкомлэн но Райсполкомлэн газетсы

Дуныз 5 коньы

Пудоез толйытон азе дасяськон

Тол матэ вуэ. Пудоез толйытон азе дасяськон али та дыре пудо вордон планэз быдэстон ласянь решающей инты басьтэ.

Пудо вордон—сельской хозяйствотои бадзым решающей инты басьтэ. Колхозник'эслэн но колхозницаослэн зажиточной но культурной улонзы пудо живот вордытэк ноковызы но малпаськыны уг луы. Ибо зажиточной улон предполагать каре ве только нянен, но и йблэн, кбен но вбен. Со понна ик, пудо вордон со вань партиялэн но партийной но непартийной большевик'эслэн ужзы луэ.

Районамы тросэз колхоз'ес—Чурино, Фокай, В-Сыга но мукет'эсыз пудо вордон государственной планэс арысь-аре быдэ'яло. Нош куд-ог колхоз'ес,—М-Кез, Аникино, Квасер пудо вордон ласянь сельскохозяйственной артельлэсь уставэз уж вылын уг быдэ'яло. Кылсярысь М-Кез Аникино колхоз'эсын али но МТФ организовать карымтэ.

Пудоосыз толйытыны гидэ пыртэмлэсь азьло вань кулэ луись гид'эс, сион али та кылем нунал'ес куспын дасямын луыны кулэ.

Животноводствоысь стажановец'эс—Чурино колхозлэн зав. МТФ-ез Селиверстова пудо вордон планэз арысь-аре быдэ'я, туэ пудоосызлы силос сион но планэзлэсь выльт дасяз. В-Сыга колхозлэн животноводческой брига да ез пудоосэз но гид'эсэз тол азе умой дасяз. Пудоосыз толйытыны гидэ пыртон нуналысен ик пудоосыз нормаен план'я судыны пуктоно.

Та кылем нунал'ес куспын вань колхоз'эсын гид'эс шунит, чылкыт югыт дасямын дезинфицировать каремын луыны кулэ. Гид котырьс жаг но кыед сузымын, гид пуш'эс тдымыаса дасямын луыны кулэ. Каждой пудо гидын винтиляция луыны кулэ. Гид'эслэсь вань пасьэссэ, путэгэссэ конопатить карыса дасяно.

Пудо толйытенын пудо люктан инты бадзым решающей уж луэ. Али котькуд животноводческой бригадалы сюлмаськоно, кытын маин пудоослы ву шунтод, пбсютод но люкталод шуыса.

Котькуд пудо-живот нимаз дояркаос, свинаркаос бордын юнматэмын луыны кулэ. Соку гинэ пудо-живот бордын ужасьэслэн ужаны бадзым интерессы луэ.

Котькуд животноводческой бригада пудо вордон, утылтон но сюдон ласянь четкой план тупатыны кулэ.

Пудоосыз вуоно толйытонэз умой орчытэм—Всесоюзной сельскохозяйственной выставкае дасяськемез определять кароз, кызы луоз тол азе пудоосыз толйытыны дасяськемын, отысен ик пудоослэсь йырлыдзэс но весэс йылтыны колхозной фермаосыз определить кароз.

Али ик вань партийно-советской но колхозной общественностьлы пудоез толйытон азе дасяськон борды кутсконо. Каждой колхозын пудоез одно ик шунит, югыт гидэ пыртом тырмымон сочной но концентрированной сионен обеспечить каром.

Районной активлэн партийной собранияез

25-тй сентябре Кез посёлокысь средней школаын районной активлэн партийной собранияез оргчиз. Активлэн партийной собранияез 60 мурт коммунист'эс участвовать каризы.

Активлэн парти ной собранияез Международной положе-ние сярись но Лев Николаевич Толстойлэн 9 сентябре вордскем дырысеныз 110 ар тырмемез сярись доклад'эсты кылскиз.

Активлэн партийной собранияез Международной положе-ние сярись парткабинетлэн заведующийей Шугов эш доклад лэсьтйз. Лев Николаевич Толстойлэн вордскем дыры-

сеныз 110 ар тырмемез сярись Кезысь средней школаысь дышетйсь Каракулов эш доклад лэсьтйз.

Доклад'эс бырем бере ВКП(б) Райкомлэн секретарез Рыжов эш выступить кариз. Рыжов эш вераз, что асьме районуын котькуд колхоз'эсын Международной положе-ние сярись лекциос, беседаос орчыт'яно. Каждой первичной парторганизациослы колхоз'эсын но производствооузын асьме социалистической родинамылэсь обороноспособностьсэ юнматон ласянь добровольной обществоослэсь (ОСО, МОПР, СВБ) уж'эссэс кужмотоно шуыса вераз.

Коньдон тыронэс быдэстызы

Камыжево сельсоветысь, Кельевыр колхозысь Селиверстов Иван Тихонович, Главатских Степан Григорьевич но Белослудцев Виктор Михайлович куиньметй пятилеткалэн заемезлы, сельхозналоглы но

страховой понна коньдон тыронэс 100 процентлы быдэстызы. Та выль верам колхозник'эс ю октон-калтон дыр'я но нормаоссэс мултэсэн тырмыт'язы.

Лекомцев.



Ойротской Автономной Областьысь, "12 лет октября" нимо скотоводческой колхоз—Ойротысь одйгез узыр колхоз'ес пблысь. СУРЕД ВЫЛЫН: Колхозлэн умой чабанэз Айбычи Чамуранова.

Умой урожайлы утылтэм но умой кулэ

Дырпа сельсоветысь, Дырпавож колхозын етинлэсь выльыко урожайэз басьтон понна кык звено организовать каремын.

Со звеноослэн етинзы удалтйз. Табере етинэз умой октоно-калтоно гинэ вал. Нош вблдэм етинэз ваньэз пудоост таргазы.

Колхозлэн председателез но бригадир'эс етинэз умой октон-калтон понна уг нюр'яско, вблдэм етинэз таргамлы уждад уг кудо.

Етин уж гинэ татын ляб уг мыны, кын улэ гырон но силосовать карон уж'эс но ляб мыно. Силосовать ваньмыз 25 процентлы гинэ каремын. Веткорм 40 процентлы гинэ дасямын.

Озы ик колхоз стойловой периодлы но ляб дасяське. Марков.

М-Олып колхозын

М-Олып колхозлэн председателез Васильев Н. Т. колхоз ваньбурез умой утылтон интые ачиз урод пример возматэ.

Етин ужпумын звеновдка Васильева Ольга Степановна туж умой етин басьтйз. Будэтэм етинэзлэсь тышкам кокользэ колхозлэн председателез Васильев турнамтэ турын пблы кисьтыса анализ.

В-Уди колхозысь 140 манетэн уробо басьтйзы, нош расписказэ М-Олып колхозлэн председателез Васильев 146 манетэн басьтэмын шуыса тупатйз.

Васильев.

18 германской бомбардировщик'ес чехословацкой граница валлин лобазы

Прага, 21 сентябре. Толон 11 часэ нуназе Германилэн военной авиациез Фридланд дортй (северной Чехия) чехословацкой граница валлин массовой полет лэсьтйлиз. 20 сентябре уйин отын, германской территориись лыктыса, генлейновец'эслэн бандазы вооруженной нападение

лэсьтйиз вал. 18 германской бомбардировщик'эс граница валлин демонстративно лобазыса кошкизы. 2 часэн нуназе германской военной самолет, нош ик чехословацкой граница вамен потыса, Черноуси, Фертолтице но Гай селениос вадьсытй лобиз но германской территории кошкиз.

Чехословакилэн быдэс территория вылаз чрезвычайной положение

Прага, 18 сентябре. Толон уйин Чехословакиясь министр'эслэн кабинетсы республикалэн быдэс территория вылаз чрезвычайной положение вблмытон сярись решение потйз. Кыллэн свободаезлы но печатлы азыланьэз ограничить тупатйське, личной переписканы цензура пуктйське. Со чрезвычайной цоложение 3 толэз-

лы тупатэмын. Та же мера вызвать каремын Германилэн Чехословакия вылаз шбдтэк шорысь нападение лэсьтонэзлэн угрозаез ялан будэмен. Толло дырысен кутскыса, Германия Чехословакилэн ваньмаз границаосыз доры войскаосэ выльысь перегруппировать карыны кугскиз.

Венгерской войскаос чехословацкой граница доры люкасько

Прага, 19 сентябре. Осведомленной источник'эсысь басьтэм сведениос'я, Словакилэн но Закарпатской Украиналэн границаоссы доры, туж дыртыса, венгерской войскаосты люкан мынэ. Соин чош ик, венгерской фашисткой печать Чехословакиез расчленить карыны курьса, Чехословакилы пумит нуон кампаниэз туж золомытйз.

Триановской договорез воштыны курьса (со договор империалистической война бере трос державаослэн группиаенызы но Венгрия куспын заключить каремын вал) но Словакиез Венгрия борды карыны курьса, толон Будапештын венгерской фашист'эслэн бурной выступлениоссы орчизы.

Омыретй почта

Нуналаз миллион гожтэт'эс но газет'эс

Страналэн аэродром'эсыз выльысь нуналлы быдэ почтаен дасоосын самолет'эс жутско. Соос союзной но местной значениослэн 250 линиоссыя лобзо, куд'эсыз огазельо Советской Союзлэсь столицазэ бадзымесь промышленной город'эсын, областной но районной центр'эсты глубинной пункт'эсын.

Самолет'эс мыно Памирысь Хороге но Тблисие, Балхаш

озеро дорысь Бертысэ Владивостоке, Сахалинысь Охае но Туркмениись Кызыл—Арватэ. Соос асьме странаысьтымы трудящейёслы центральной, республиканской, областной но районной газет'эсты но почтаез доставлять каро.

Омырысь транспорт нуналлы быдэ ялан юнгес бытэ пырэ. Советской Союзлэн омырысь сюрес'эстйз самолет'эс нуналлы быдэ миллион ёрос гожтэт'эсты но газет'эсты нулло.



Воронежской областьысь, Светской Союзысь Геройлэн М. Водольяновлэн нимыныз нимам аэроклубын. СУРЕД ВЫЛЫН: (паллянысен бур пала). Дышетскоклэн отличницаосыз—комсомолкаос Л. П. Костинова "Свободный Сокол" заводлэн здравпунктысьтыз фельдшерница; А. Н. Флаусова—фельдшерской школаысь слушательница но В. И. Боро дина—"Каменный барьер" заводысь слесарь.



СУРЕД ВЫЛЫН: Мордовской АССР-ысь, Чапаевлэн нимыныз нимам колхозысь умоезь затейник'ёс—республиканской колхозно-совхозной олимпиадаысь участник'ёс. Нырысь радян (паллянысен буре) Макеева Катя, Вельматова Нюра но Земляков Алеша гармонист.

Колхозник'ёслэн юан'ёссылы отвечать кариськомы

Юан: колхозлэн правлениез колхозник'ёслы корка, гид, яке лесоматериал вортыны вал дунын-а дунтэк-а сётыны быга:э?

Ответ: сельскохозяйственой артельлэн уставезлэн 4-тй пунктяз гожтэмын, „Обобществить карем ужась пудоос пöльнись артельлэн правлениез артельлэн член'ёсызлэсь личной кулэзьяськонзэс обслуживать карыны кулэзья кöняке вал дунын выделить каре“.

Юан: шонер-а луоз колхоз правлениелэн ужез, если со 1937 арлэн урожайысьтыз

кылем кезэ люкылэз колхозлэн член'ёсызлы 1938 арын ужам трудоденьёссыя?

Ответ: колхозлэн правлениез 1937 арын басыгэм урожайез нырысь ик государственной поставкаосгы, ссуда берыктон'ёсты натуроплата тырон'ёсты быдэстыса, ю кидыс но страхфонд кистыса, пудоослы фураж кельтыса кылемзэ ваньзэ 1937 арын ик колхозник'ёслэн ужам трудоденьёссыя люконо луз.

Нош колхозлэн 1937 аре кистыгэм кидысез 1938 арын кизем бераз кылиз на ке, со кылем кидысез люке колхозник'ёслэн 1938 арын ужам трудоденьёссыя. Со сяна, если колхозлэн вуж кидысез малыке кизыны оз яра, сое нош ик колхозник'ёслэн 1938 арлы ужам трудоденьёссыя люке.

Бордгазет'ёс уг ужало

Сыга сельсоветысь, 3-тй Сыга колхозын комсомольской организация но вань, озы ке но бордгазет поттыны комсомолец'ёс колхозлы уг юртто. Одйг пол поттэм бордгазет 2-3 толэзь борддорын улэ. Нош бригадной бордгазет'ёс уг но потгө. Бордгазет'ёслэн редактор'ёссы бордгазет'ёссы понна уг сюлмасько.

Обухов.

Почтаез жегатэ

Пужмезь почтаысь Лекомцев Николай Иванович газет'ёссыз но письмоосыз вöддоннын туж урод ужа.

16-тй сентябре письмоиссец'ёслы газет'ёс но письмоос 4 часлэсь но кема люкылыны туртскиз. Со сяна Лекомцев письмоиссец'ёс шоры газет'ёсын лэзя.

Лекомцев туж шер юытэк почтаын ужа. Озы ке но сельсовет ноқыче ужрад уг куты.

Бутолин.

Нимзэс саптало

РКШ-ын дышеткись Дерендяев-зоотехникилы но Исамбаев А. Д.—ветфельдшерлы 16 сентябре Дырла сельсоветысь колхоз'ёсты корнеплод'ёсти эскерыса ветлыны кулэ вал. Нош соос со интые юыса но

жугиськыса гинэ уйлы. Дерендяев С. И. сельсоветлэн корка укноетиз пыриз но уйбыт куаретыса пукиз. Советской ужасьлэн сыче поступок'ёссы нимзэс саптам гинэ луэ.

Иванов.

Чехословацкой правительство англо-французской ультиматумез принять кариз

Прага, 21 сентябре. Туннэ жытазе чехословацкой телеграфной агентство опубликовать кариз официальной сообщениез чехословацкой правительственой англо-французской ультиматумез принять карем сярэсь. Ультиматумез принять карон мотивировать кариске Францилэн но Англилэн отказатэ карискеменызы Чехословакилы юрттыны, куке со вылэ луизы ке военной нападениос Гер-

мания, Венгрия но Польша ласянь. Ультиматумез принять карон сярэсь чехословацкой нота. туннэ жытазе сётэмын Францилы но Англилы.

Чехословацкой правительственой принять карем решение сярэсь ивор вызвать кариз бадзым возбуждениез быдэс странаын. Та решенилы пумит прстест ялыса, Прагаын массовой стихийной демонстрациос оргчо.

Чехословакилэн положениез

Прага, 21 сентябре. Достоверной источник'ёсысь иворто, что туннэ 2 час уйин, французской но английской посланник'ёслы чехословацкой правительстволэн англо-французской предложениос сярэсь ответ сётэмез бере кöняке час ортчыса, английской посланник Ньютон но французской—Де Лакруа мыйны президент Бенеш доре но ивортизы, что соослэн правительствооссы Прагалэн ответэныз недовольнось.

Францилэн но Англилэн посланник'ёссы ивортизы, что если англо-французской предложениосты принять карыны Чехословакия отказатэ карискиз ке, соку чик жегатскытэк последовать кароз Германилэн нападениез, но та случай луон дыр'я Англия но Франция Чехословакилы юрттэт уз сётэ. Посланник'ёс намеки сётызы, что со дыре ик Чехословакия пумитэ выступит карозы озы ик Венгрия но Польша. Министр'ёслэн кабинетсы заседатэ кариз быдэс уй чоже. Со дыре ик заседатэ кариз постоянной парламентской комитет.

Чехословацкой правительстволэн англо-французской предложениос сярэсь решениеосыслэн официальной текстэз опубликовать карымтэ но Англилы но Францилы сётымтэ. Иностранной ужпум'ёс'я министерствоын верало, что решение окончательно сформировать карымтэ на. Со, очевидно, гердзаськемын пумит'яськовэн, кудзэ возматэ кудог политической партиос англо-французской планэз принять каронлы. Быдэс нунал чоже заседатэ кариз вань партиослэн представительёссылэн конференцизы, со представительёс пыро правительственной коалиции (партиослэн представительёссы но печатлыэн центральной орган'ёсызлэн редактор'ёссы). Заседание туж бурно орче. Тужгес радикальной позициез занимать каро, кызы иворто журналистской круг'ёсын, чешской католик'ёслэн партизылэн представительёссы—министр Шрамак но мукет'ёсыз.

Жыт потись газет'ёс министр'ёслэн кабинетсылэн решениез сярэсь номыре но уг иворто. Англилэн но Францилэн посланник'ёссылэн выль „демаршсы“ сярэсь коммюнике гинэ публиковать каро. Вань газет'ёс пестрит каротаче заголовк'ёсын: „Чехословацкой драмалэн заключительной сценаез“, „Западно-европейской державаослэн ноку адзылымтэ юн зйбемзы“, „Асьмедыс предатэ каризы“, „Сётсконо вöдл“ но мукет'ёсыз.

„Галло новинны“, „Роте фане“ но мукет'ёсыз газет'ёс чик жегатскытэк парламент люканэз куро, кудизлэн санкциезтэк республикалэсь территориальной границаосез изменить жарыны уг луы.

Чехословацкой конституцилэн куньметий параграфезлэн нырсети частез гласить каре: „Чехословацкой республикалэн территорияез составлять каре единой но люконтэм целой, кудизлэн границаосыз конституционной законэн гинэ изменить каремын луы-

ны быгато“. Чехословацкой конституцилэн 33-тй параграфез гласить каре: „Война обявить карон сярэсь голосовать карон понна та конституциез яке солэсь статьяосез изменить карон понна большинство кулэ, котькуд палатаысь вань член'ёслэсь куинь витьмосез“.

Татысь адске, что чехословацкой правительстволэн англо-французской предложениослы согласиез быдэстэмын луыны быгатэ соослы парламентэ внести карыса гинэ, кудиз соосты кыказ ик палатаосын нираз-нираз принять кароно луэ куинь витьмос большинствоен.

Кыче луоз правительственной коалицилэн партиосызлэн окончательной решенизы—матысь час'ёсы тодмо луоз.

Журналистской круг'ёсын вераськон'ёс мыно со сярэсь, что Гитлер, кудиз Англия но Франция ласянь сыче уступок'ёсты совсем уг витьвал, лондонской предложениосты принять уз кары но Чемберленэн пумиськон дыр'яз со Германия, Венгрия но Польша кустын Чехословакиез люкыны требование выдвинуть кароз. Со требование, Чехословакия вылэ чош нападенилэн планэз кадь ик, Гитлерлэн но Геринглэн Хортнен, Имреднен, Каниянен но венгерской но польской армиослэн кивалтисёсынызы переговоры'ёс дыр'я толон жыт согласовать каремын вал. Туннэ Имреди, Германиысь Будапештэ бертысь, заявить кариз, что Германилэн, Венгрилэн но Польшалэн Чехословакия пумитэ обшор фронтсы кылдытэмын ни, и что Венгрия котькыче средствосын добиватэсь кариськоз Чехословакиысь венгерской меньшинстволэсь „самоопределилы“ требованиез быдэсак удовлетворить карыны понна.

Чехословацкой общественность, столицамысь население бадзым напряженнен следит каро фашистской агрессор'ёслэсь но соослэн Лондонысь но Парижысь пособник'ёссылэсь вань махинациосез.

Прагаын газетной киоск'ёс но радиопупор'ёс дорын, официальной правительственной сообщениез витьыса, трос калык сылэ. Быдэс городын полицилэн но жандармерилэн кужмоягэм наряд'ёссы патрулировать каро.

Вяня Обухов.

Жыт

Шунды бадзым нюлэс сьöрти Гурезь сьöры кадь, ватиськиз.

Жытазе колхоз клубысь. Чебер садо укно пыртй, Шулдыр, узыр улон сярэсь Кырзам куара кылыськиз.

Со клублэн жöк вылаз Шулдыр шудэ патефон Шудэм'яз егит пиос, ныл'ёс

Чебер экто абдрамон! Нош педлон жытазе, Склад дорын ветлэ Кузьма, Пычалэз кияз возе, Ваньбурез кужмо возьма.

Пужмезь НСШ.

Испанилэн фронт'ёсаз

Восточной фронтын

Испанилэн оборонаезлэн министерствоез официальной сводкаяз ивортэ, что 19 сентябре Эбро зонаысь мятежник'ёслэн частьёссы Гаэта районысь республиканской позициос вылэ лек атака нузы. Уно батареяослэн дугдылытэк ыбылэмзы но 100-лэсь но трос итало-германской самолет'ёслэн дугдылытэк бомбардировать каремзы бере, мятежник'ёслэн пехотазы, трос танк'ёслэн юрттэмзы улсын, 496, 477 но 426 вырйыл'ёсты атаковать кариз. Республиканец'ёс га атакаосты ваньзэ ик отбить каризы. Фашист'ёслы секыт ыштон'ёслэсьтэмын.

Жытазе мятежник'ёс республиканец'ёс вылэ нош ик атака нуыны кутскизы. Республиканец'ёс асьсэлэсь азьло линиоссез ик возё. Республиканской артиллерия фашистской танк'ёсты берен берытсконо кариз. Фашист'ёслэсь одйг танксэс стройысь поттиз. Республиканской авиация бойёсын активно участвовать кариз.

Левант фронтын

18 сентябре жыт, республиканской частьёс Пуэбла де Вальверде районын (Теруэльлэсь юго-восток палан) кык хутор'ёсты но 1627 но 1591 вырйыл'ёсты басытзы.

Центральной фронтын

Фронтлэн эстремадурской участказ республиканец'ёс Толедо секторысь фашист'ёслэсь республиканской позициослы пумит вылазказэс быдэсак отразить каризы.

Южной фронтын положение воштыськемын вöдл.

Чехословацко-германской граница

ВЫЛЫН ВЫЛЬ ПРОВОКАЦИЯ

Прага, 19 сентябре. Туннэ уйшоре Аш город дорын (Чехиялэн северной границаез) чехословацкой пограничной

стражалэн казармаез вылэ налет лэсьтэмын вал. Стражаез пулеметэн но пычал'ёсын ыбылизы. Казармае ручной гранатаос куямын. Налет лэсьтэмын вал Германилэн территория вылысьтыз лыктэм вооружонной бандаен. Налет лэсьтэм бервылысь трос ыбылэм патрон'ёс но отысь ик одйг пуштытэ граната шедьтэмын, со граната германской происхождниен. Налет 15 минут кытиськиз, собере налетчик'ёс Германилэн территория вылаз кошкызы. Нападение дыр'я кык пограничной стражник'ёс ранить каремын.

Германской границылы туж матынэн но выль провокациос луонлэсь палэнскон понна чехословацкой пограничной стража ыбылыны вöз кутскилы.

Редактор Н. ЖУЙКОВ.

Поттись РАЙСПОЛКОМ.